

## NÜPFERD

I mechat amoi im Lem a Nüpfere sei  
Mir scheint so Nüpfere sei, mochat mi frei  
Mei Bauch tarad hängen bis owe am Bodn  
De vü zkurzn Haxn kunntn s Gwicht kaum datrogn  
I hätt umadum Foitn  
Mei Nosn waa braad  
Ned da Hauch ana Taille  
I waa afoch schee blaad

I mechat amoi im Lem a Nüpfere sei  
Mir scheint so Nüpfere sei, mochat mi frei  
De Haut vulla Borstn, appetitlich und grau  
Mein Odeur, sogma s ehrlich, unta jeda Sau  
I hätt Zent wia aus Ziagn  
Mei Frisur warad hin  
Ned da Hauch ana Mähne  
I waa so wiari bin

I hätt an eiganan Chauffeur  
Weu i waa z blaad fia de Bim  
I hätt an knackigen Pfleger  
Der mi nimmt wiari bin  
I hätt an eiganan Koch  
Weil ich hochsensibel bin  
I hätt a Bett fia mi allaa  
Nem mir kunnt kana mehr liegn

I hätt an Psychotherapeuten

Weil ich ein schwerer Fall bin

I hätt fia ois an Experten

Weu i a Unikat bin

I hätt a Radiosendung

Weil ich hab einfach Format

I hätt an Personal Coach

Fia ollas aundre waari zblaad

© Verena Götl